

遂生福幼合編

思賢集卷四先生著

蘇州府志

卷四先生著

痛求仁人寓目小引

嗚乎死生之故雖曰天命豈非人事哉

予

生平罪大

惡極連年疊喪子女皆敗於寒涼之劑今一劣子甫
基始病瘡繼而痢終成慢驚診者崙以苓連石膏諸
大劑攻之延展月餘而歿乃適於兒殤之次日獲此
書反覆詳玩見其所論慢驚之狀與

亡兒

病勢絕相

符而其所服之藥與編內湯頭全相反又適有戚屬
小子亦懼此症急以此書示之使其依方製藥竟愈
嗚乎是二兒者病之危同也藥之誤同也乃一則死

而一竟生是

中賤子

憤憤自殺其子不能早得是書

戚人幸而能得是書不至坐視其子之死然則天命之有賴于人事固如是其大矣哉因持是編力陳于吾友仁麟先生蒙其慨出多金翻刻廣送伏求得是書者深玩其道之甚正理之甚精言之甚詳而心之甚苦不以爲泛泛之書而置之不以爲獨得之奇而藏之在已用以備夫不虞於人亦可轉相告語也然而事需補救完者終虧焦頭爛額之功固不如曲突徙薪之計爲父母者能知保抱携持不令至于呼

號求救之地豈非生人之所同願萬一不幸病而延
成慢驚卽愚婦子亦知其萬無可生今何妨于萬無
可生之時姑試其起死回生之術如謂服此溫補之
藥則必死要知不服此溫補之藥已必死矣而况乎
能服此溫補之藥之必不至于死哉向使蹇生背此
書不至自死其子不敢哭訴于仁人君子之前向
使蹇生背此書不至屢死其子亦不敢哭訴于仁
人君子之前且使蹇生依此書不能活人之子尤不
敢哭訴于仁人君子之前今之良醫先生能

少費其閒暇之功而寓目于此更擴充其慈祥之隱
而降心相從則蒼生幸甚良醫先生之子孫幸甚

道光十一年十一月蹇蹇生謹識于敬安堂之種梅

山房



佛
眼
垂
青

痘科證治大都皆係清熱敗毒。此編獨言溫補
氣血。余子姪孫甥。遭清熱敗毒而斃命者。言之
寒心。用溫補氣血而得生者。指不勝屈。二十年
來。經驗確鑿。方敢筆之於書。所謂幼吾幼以及
人之幼也。荷蒙

諸君子錫以序文。各處皆登梨棗。然究係管見螢光。
未知果有濟於生靈性命否。聊記數言敬候。

名賢斧削云爾

在田主人識

叙

海內醫書汗牛充棟。然無病之家非所急也。惟幼科痘症。自中外以及率土小民。皆不能免。險症最多。無不恐懼之至。而望救之殷。倘有良方。必當家喻戶曉。毘陵莊在田先生江南宦族。牧民於江漢有年。凡見對口發背。及一切瘡疽。輒與之方。莫不應手而愈。楚人稱之爲神外科。非一日矣。乾隆丁酉。曾著福幼編。專治慢驚。屢收奇效。久已風行海內。今著遂生編。專醫痘症。理明詞達。起死回生。雖逆症亦可治愈。真濟。

世金針活人秘寶何可一日無之余至荆南因夢兆
得見此編展頌迴環手不能釋爰囑其亟付棗梨爲
赤子立命爲幼科指迷濟世陰功莫大於此得是編
者謹宜什襲藏之以備拯救慎毋以爲與古書不同
仍聽信時醫貽誤也是爲序

嘉慶丁巳春仲上澣

賜進士及第

誥授光祿大夫兵部尙書湖廣總督年家鄉耆弟

畢沅頓首拜撰

叙

醫爲上帝生生之吏。諺言醫有割股之心。語非虛也。第醫無殺人之心。無奈其術皆殺人之手。何者所學未深。不過捕風捉影。技止於此。盡是抓癢隔靴。故方偶效應。輕屢用不疑。且稍獲行時。竟隨在大意。遂使寒熱不合。虛實未辨。悞人性命。如刈草菅。甚至人鬼爲之震怒。而當局猶自以爲是恬不知悔。比比皆然。謂之何哉。若此者。良由根底既淺。膠執方書。加以任性粗心。不慎望開。致令在已造難解之孽。在人抱。

無限之悲。冤何如也。在田莊公痛鑒流失。細心討
論內經素問諸書。研究歷代名賢立論精意。參互考
証。閱歷數十餘年。始心有所獨得。因發前人所未發。
手著遂生福幼二編。以爲天下後世嬰孩造命秘訣。
斟酌盡善。誠爲渡命金針。慈幼寶筏矣。一時士大夫
以及士庶家。得其書者。信而用之。起死回生。百不失
一。乳孩莫不同登仁壽。故二十年來。如風行海宇而
板已不覺十數易鐫。癸酉歲傳來吾郡。余受而讀之。
議論剴切。詳明辦晰。寒熱虛實的。不爽。卽起盧扁

於今日亦莫能易其一字一詞。因嘆余前此一孫一子。皆痘後變症致殤。均由過服寒涼剋削等藥。是非死於時師之心。而實死於時師之技。技止此耳。悔何及耶。今而後願得是編士庶家。無論自己孩郎親鄰孺子。凡遇疹痘慢驚等症。卽按是編詳審寒熱虛實。對症服藥。信用勿疑。毋再搖惑於庸醫之口。置愛女嬌兒於萬無可生之地。則所保全者大矣。尤願時師家得是編而窮究之。細玩揣摩再三。卽証勿謂與古書不同。與我所學所傳相反。仍執先見。庶有以補。

前此之失而種將來之福。不然時醫之後多不振。歷徵鄉黨見聞。前車昭若列眉也。可不懼哉。抑余更有持平之論焉。時師之失多在寒涼。莊公之得多在溫補。是固然矣。然苟或偏執之而不小心。致詳則亦均不能無弊。務在業此技者。細心下氣。詳審小兒平時肥瘦強弱。臨症寒熱虛實。考之真察之確。然後依症用藥。或補或瀉。自萬無一失。倘稍涉疑似。且緩立方。不作聰明。不執己見。庶無偏倚之患。否則洩固爲失。補亦未爲得也。要而論之。小兒虛弱者多。強實者少。

總在臨症時。小心敬慎。必求的確。不以人命作試驗。
庶幾造福無涯耳。苟業此技而學術未精。臨症倘恍。
寧可及早回頭。另尋生活。毋苟圖衣食。以免墮落。如
此。則既不自悞。亦不悞人。

上帝必嘉乃心。昌大其門。不惟己身獲福。必且子孫
蒙休矣。區區生生之吏云耳哉。至樂善君子得是
編而廣刊普送。俾窮鄉僻壤。亦家有其書。則濟賴無
窮。其福報尤不可思議焉。是爲序時。

嘉慶十八年歲在癸酉戊午月夏至前五日穀旦

千金至寶
五
寧菴醒未子維周氏薰沐頓首敬識

痘症總論

語云走馬看痘症。極言其變症之速也。經云痘稟於陰而成於陽。譬之種豆。亦必天氣陽和。地土溫煖。方能發生。人身之痘亦猶是也。痘之將出。全仗真陽托送。斯時培補氣血。尚且不暇。何堪剋削。無如近代痘師。但見發熱。便用寒涼。無非連翹、大黃及一切涼藥。元氣乍虧。痘瘡立陷。又云痘之一症。有神司之。某家

子本好痘。轉瞬間換爲壞痘而斃。如果神欲殺之。當其初。何不卽與以壞痘。先與以好痘。而換爲壞痘。神何心哉。委因不知培補。妄行攻伐。此立時告變之明徵也。走馬看痘症。痘神換壞痘。此二語舉世相傳。迷而不悟。縱更換醫師。亦總是寒涼剋削。愛女嬌兒。必驅之於萬不能生而後已。或亦生民之厄也。言念及此。不禁爲斯世斯人痛哭耳。

一藥

性嗜岐黃。身試旣

久。乾隆丙申。姪孫女染患慢驚。爲中州庸醫誤用黃連致斃。聞信之下。深爲惻然。旋於丁酉著得福幼編。